

e-rara.ch**Ein vuorhafftigs Verantvurten der hochgelorten Doctores und Herren, die zuo Baden uff der Disputation gewesen sint****Murner, Thomas****[Luzern], [1526]****Zentralbibliothek Zürich**

Signatur: Re 198,5

Persistenter Link: <http://dx.doi.org/10.3931/e-rara-5483>

e-rara.ch

Das Projekt e-rara.ch wird im Rahmen des Innovations- und Kooperationsprojektes „E-lib.ch: Elektronische Bibliothek Schweiz“ durchgeführt. Es wird von der Schweizerischen Universitätskonferenz (SUK) und vom ETH-Rat gefördert.

e-rara.ch is a national collaborative project forming part of the Swiss innovation and cooperation programme E-lib.ch: Swiss Electronic library. It is sponsored by the Swiss University Conference (SUC) and the ETH Board.


www.e-rara.ch

Nutzungsbedingungen

Dieses PDF-Dokument steht für nicht-kommerzielle Zwecke in Lehre und Forschung sowie für die private Nutzung frei zur Verfügung. Es kann als Datei oder Ausdruck zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Terms and conditions

This PDF file is freely available for non-commercial use in teaching, research and for private purposes. It may be passed to other persons together with these terms and conditions and the proper indication of origin.



Ein vuorhafftigs verantvurten
 der hochgelorten doctores vnd
 herren / die zů Baden vff der disputation gewesen sint
 vor den .xij. orten einer loblichen eidtgnoschaft wider
 das schentlich / erstuncken / vnd erlogen anklagen Ul-
 rich Zwinglyns / das der fierzig mal erlos diebsch böß-
 wichte vff die frumen herrē geredet hat vnd in den druck
 het lassen kummen. Von doctor Thoma. Murner ge-
 macht / ob der Zwingly lüftig wurde das er im das übe-
 rigouch hin vß gebe noch dem rechten winkel mess

Mit vfflösung der Argument die
 Ulrich Zwingly noch der disputa-
 tio hinder dem offen für har gebol-
 len hat mit güt schenckel von Bern

Ich Bit dich Ulrich Zwingly leer
 Kein frummen man zů schenden mere
 Du schreibst in stoub das lesteren dein
 So stechende wirs in marmelstein

Vorrede

Es habent die Strengen Eren

Nor festen. Fürsühtigen Ersamen Frummen Weisē
herrē der zwölff orter gemeiner vnd loblicher eidgnos-
schafft / on zwisal nit on geweltige eehafftige versachen
Bewegt / ein disputation gon Baden in das Ergow vff
den .xvj dag des Meyens ersetz / in dem iar Christi vn-
sers erlösers. Tusent fünffhundert. xxvj / mit solchem
treffentlichen zū geschribbenen geleit ab vnd zū zū riten
das es on alle ein rede allen teufflen in der hellen mer dā
gnüg sicher were / ich geschweig dem Zwingly / wie ir
das selbig geleit in dissem Biechlein gedruckt vnd lese
vff welcher disputatio erschinen sint dry Doctores ant-
wurter Johannes Eck. Johannes Faber. Thomas
Murner / die Vrichen Zwingly andrien orten habē
angriffen. Doctor Eck in seinē falschen glauben Doc-
tor Faber in allen des. Zwinglins gschriftē / deren er
xxxij widerfochten hat. Doctor Murner an sinē eren
der ouch dē. Zwingly da fierzig mal eerlos vßgerieffet
hat mit dar gethonē versachē / das geleit über gebē mit
erbieten in des. Zwinglins fußstapffen zū ston wo er in
nit fierzig mal zū einem vnfrumme eerlosen Böswicht
erhalte. Aber der do vß ist belibbē / vnd weder sinē glau-
ben / gschriften / noch eeren verantwurtet het ist der
zag / flüchtige / vnd fierzig mal eerlos Böswicht / der
zwingly. Nun aber so er süht die grosse lesterliche schā-
de seines vßbelibens / nach bellet er mit seinen schand-
Biechlein / hinder dem offen har für / der vor xxv gelor-
ter doctoren da gegenwürtig nit hat dörffen das man

vffthün / seinen glauben / gschriffen vnd eere zū rettē 2
Vnd wie wol im des gūschentkels vō Bern sil nōter we
re das er in mit dem Rūngen hinder dem offen har für
brechte / den eins ärtwurters / kan ich dēnocht die hoch
gelorten frummen doctores die da zū gefallen vnd eren
einer loblichen. Eidgnoschaft mit grosser miege vnd
eignē kosten erscheinen sint / die der zwingly an leib vnd
leben / eere vnd gūt lügenhafftig antastet / in irem ab
wesen nit vnverätwurtet lassen. Ich bin sein vngewi
fflet ein frumme eidgnoschaft hab gar kein gefallens
doran / das man die frūmen biderben man die zū für
dermis Christlicher einigkeit in die eidgnoschaft berief
set von inen kummen sindt / also mit der vnvorheit sol
vßhippen büben / vnd scheltē / dorum sy billicher zū lo
ben weren vnd zū lieben. All wegen mit vorgedingtē re
den / anstat einer rechtmessigen protestation / das ich
in dissen gschriffte ein Ersamen weisenrath der loblich
en stat Zürich / die frummen alten Christliche Zürich
eren / deren ob got wil noch die grösser zal ist / in keiner
ley weg wil angetastet vnd enteret habē / wie ich mich
des ouch vff der disputatiō zū baden gehalten protestie
ret vnd Bezügt hab. Ich Bit ouch iederman durch got
das mir das niemans zū besunderer lichtfertigkeith ach
te miner vnbehobleter wort / dē ich ie vor mir hab mit
dem zwingly als einem ertzschelmen zū reden wie mad
mit einem schelmē reden sol. Dor zū mich verursachet
das der dieb mit verborgenen schmachbiechlein on nā
men also bößwichtesch frummen biderben mānen vnd
gewilligen dieneren einer frummen loblichen eidgno
schaft / zū ruck vnd hinderwertig / ir leib vnd lebē eere
glimpff vnd süg vnderstadt ab zū stelē. Nun wil ich im
über sein schelmen Büch antwurt geben

ERSTLICH ZEIGET

er an wie man vnradt zu vermeiden allein das wor vnd fest reden sol prouer. xij. Wiewor seine gschribften sint het Doctor Faber wol angezeigt / wie sich der Zwingly etlich hundert mal selb zün einem lügner macht / lüt der Biechlein. Wie fest aber seine lerē sey erscheinet indē wol das er erstlich gelernet hat die gegewurt Christi zün sein in dem hochwürdigē sacrament / ietz lernet er das es nüt sey dā ein beckē Brot / vnd deilets mit ziger schüßlein vß das kan mir ein feste leren sein. Luce xxx ca

En Spricht er wie Eck vnd Faber sich hoch beriemē mit vnvorhafftigē vnchristlichem fürgeben das sy sey ne leren widerfochten habent vnd falsch erzeigt / vō dē riemē weiß ich nüt. Aber mit der dadten hādē sy es worlich thō Bezüg ich mich vß des Fabers Biechlein vnd die gschribbenen acten der disputation. Vnd ob sy sich des schon beriemten / dettent sy dennoch das mit der worheit Aber du lügst sy in dem eben an wie du den. Faber hast angelogē das er solt etlich tusent gulden in die eidgegnoschafft gefieret habē / da mit die eidgegnossen wider bewegt disse disputation zün ersetzen zün wider dinem erzdichten / eerlosen / falschen / erlognen / vnd diebschen glauben. Vnd lügst dennoch da bey das du wissest wo das gelt sey vß geladen / für gefieret / vnd nider gelegt Also eigentlich kan der erz lügner ein grosse lügen mit den kleinen verglasen / vnd mit naß wasser verstrichen Da mit du nit den Faber allein sinder ouch die herren vnd regentē deins vatter lands schendest / die bey glauben sagen das sy solches gelt nie entpfangē noch gesehē hant also entrest du dine erbornen herren

En Riemest dich wie du gemeinen eidgegnossen vß der

disputation versamlet habest deinen grundt über die si-
ben schluß reden Doctor Ecken angezeigt / die hab dir
Eck mit schand / spitz / schamper / vnd schentzel wortē
verworffen / aber nit har für bracht das eins hallers
wert krafft da wider hab. Sint das dein argument die
die du gon Baden gesandt hast / vnd dein grundt / wi-
der das heilig sacrament so hastu wol da mit angezeigt
wie ein stolzer feigen freßer du seyst in der heiligen ge-
schriffte. *Mathei viij in ver. inuenietis asinū alligatum*
Eck hat dir sy alle vff gelöset / vnd im truwlichen lassē
benolhen sein von deinem wegen / vnd vor allen gelor-
ten genüg gethon / zeigent an die acten / aber dir wurt
nieman genüg thūn dan der hencker. Er hat dich zu sil-
eerlich gehandelt. *Johan. ix Vbi fures effodiant* Wie
wol du in anlügst das er dich also mit schamperen wor-
ten verworffen hab lüt der actē Aber du bist der der got
vnd die welt mit schentzlen / spetzlein / schamperen leck-
erischen / Biebschē / vnd riffigenischen Worten on oder
mit erdichten namen nun hast in das sibent iar vß ge-
richt wil ich vß deinē Biechlein vff dich bringen mit der
worheit vnd wie recht

Ciiij. Sagst wie du dich an das geleit der sibē ort dich
betreffen dinē herren zu gesandt nit habest dörrffen las-
sen / das glaub ich gern dan kein bößwicht hat sein leb-
tag frūmen Biderben leutē nie wol vertruwet hat ouch
nit gern vor inen zu schaffen. Aber die vßlendischē doc-
tores hant on geleit den frummen christlichen eidge-
nossen ir leib vnd leben ere vnd güt vertruwet / vnd die
in iren richterlichen spruch ersetzet. Darin mā wol se-
hen kan wer der best eidgegnos ist / du so du deinē erbor-
nen herren mit geleit nit vertruwest / oder die vßlendis-
schen die inen ir leib vnd lebē ere vnd güt on geleit ver-

trurwen. Vnd darffest sy democht an liegen sy seient ir
erb findt / wo ist doch das erb gedeilet worden / frylich
da du mit deinen dieben der kirchen güt stalen / vnd te-
stament beraubten / vnd die andren frumen christliche
eidt genossen vch des halb für sind scherzten / den es ist
ein erb findtschafft zwischte den frummen vnd dē kirch
dieben vnd rauberer ie welt gewesen

Ev Beklagest dich das dir die fünff ort zū schwer sint
es ist bey got wor / worum stilestu dan vnd raubest mit
filāden mer eerlosen bösen stücken vnden an zū zeigen
das mögent die frummen leut nit leiden / vnd billich dā
all vnser lebtage ist der galgen den dieben zū schwere ge-
wesen / vnd ist fast wol zū glauben das ir gerechtigkeit
dir einem lesterliche kirchen dieb ouch zū schwere ist

Ev Treuwest wo man zū Baden dir etwas nach dei-
ligs handlete / woltest wider die fünff orter weite rs in
druck lassen vßgō. Boz wunden laß das nit vnder we-
gen so hāt wir dester mer arß wisch wir mieste sunst den
arß an das hemd wischen / thu wie du magst allein ver-
bren den fünff orten den luzerner see nit

Evij Du sagst es sient reden vß gängen / vnd weiffest
doch nit von wem wie dir das geleit het wellen geysel ge-
ben vnd geleits lüt von allen orten wie du wellest. Das
hastu selb erdichtet / oder hats iemans geredt so hat er
das schentlich erlogen / den ich mer dan von tusentē ge-
hört hab das sy nit wißtē ein frummen man für ein böß
wicht ein zū legen

Eviii Als mā aber dē landt vogt mit. xx. oder. xxx mā-
ne vß Bader herschafft dir bestimpte / sprichestu es ma-
ne dich eben als werestu nit dir sunder den eidgenossen
dest baß vergoumet gsein. Sag ich ob du schon inē we-
rest vergoumet gsein / die frummen herren hettent dir

dennoch ir also treffenlichs geleit gehalten / du hettest
recht oder vnrecht gehabt / das vertruwet in alle wele
on du mißtruwiger eidegnos gegen dinē frūmē herren
Eir Sagst das dir den zweiffel mere das dich die fünff
ort vor gericht vor iar vnd dag beuolhē haben dich ge-
fengtlich an zū nemen vnuer hōret. Sag an wie filen
mūnchē / nūnnen / priesteren / klōsteren / kirchen / vnd
stifften hastu mit deinem āhang das ir / kelch / meßge ē
wandt / monstranzen kreuzer / mit andren gots zierd
brieff vnd sigil / zins vnd gūlten / vnd nit allein kirchen
gūt sunder ir eigenthūm das sy von iren natürlichs vet-
teren mieteren vnd frūnden ererbet haben gestolen ge-
stolen geraubet / vnd sy mit den hochgerichtē in das el-
lend vertribben das alles nit allein vnuerhōret sunder
ouch on berūff in das recht / on alles vrteil / wider got
ere / recht / vnd alle erberkeit / allein dedtlich als ein ab-
gesagter findt / vnwaret diner eren hastu mit armē
vnschuldigen leuten gehandelt / vnd haltest inen das ir
nit als ein frūmer man / sunder als ein meineidiger er-
loser dieb vnd rauber vnd vnderdrucker der vnschuldī-
gen. Ob dan schon die frummen christen vnd herrē der
fünff ort noch einem solchē namhafftigen dieb vnd böß-
wicht vssendit ires geleidts ließent greiffen / dedtendt sy
doran als diener der gerechtigkeit gottes / vnd hettent
gar nūt gesūndet / noch dennoch hettent sy dir das ge-
leit gehalten ob du schon ein mōrder werest gesein. Aber
ich glaub du liegest sy in dissem an wie du vor ouch mere
vff die biderben leut gelogen hast

Er Weiters wie es dich ermane / als ob du soltest also
vergoumet zūm rechten für kummen / vnd vor inē als
richterē / vnd in irem gebiet / mā hat dich für kein rechte

Berieffet / Bezüg ich mich vff das geleidt / sunder in ein
disputation / oder christlichs gesprech dich deines irre-
thums / vnd diner erlosen dedeliche handlung zu berich-
ten / vnd mit christlicher worheit an zu zeigen / in hoff-
nung du würdest also durch das gots wort Bericht von
deinen tatzereien ab ston / vnd die armen leut die du also
verfieret hast in dem glauben / ermanen wider zu tö-
re zu dem woren alten vngezweiffleten christliche glau-
ben / vnd würdet den diebstal den sy gestolen vnd gerau-
bet handt wider got ere vnd recht ouch wider geben de
rechte erben vnd herren. Den on solche wider töre mö-
gent sy nit selig werden / lut ires vnd vnseres glaubens
Dangot gebüt ie in den zehen gebotten

Du solt nit itelen

Jo ouch keins frembden güts Begeren

En Das dich zu kummen ouch hinderziehe die eer los-
schantliche rede die doctor Eck vff ein lobliche eidtgnos-
schafft gethō hab / dorum ire vorfaren dōdeliche krieg
angehebt vnd mit got gesigert habēt. Doctor. Eck hat
zu Baden sein geleit vff gesagt / vnd Begeret man sol in
gefentlich an nemmen / er welle sich deiner erlogenen
erdichtung vff in / als ein frum man / wie recht vor ge-
meinen. xij örteren verantworten / das er solches seine
lehtag von einer frummen christlichen eidtgnoschafft
nie geredt hab / sol sich ouch vff in nimmer mit der wor-
heit erfinden. Sunder du habest solches vff in erdicht
erstunckt / vnderlogen / als ein meineidiger erloser bö-
sicht. Worum bistu nit kummen / vnd hast das vff ine
geklagt wie recht. Sag an du gotloser barmhertiger
feigen fresser / wo hastu gelernet einen man seins leibs
lebens / eren / vnd güts also betlagen / on gschriftlich

libel dem richter vnd im erbotten / on subscription / on 5
din gegewürt hinder dem offen für har bellē / So Eck
on geleit dorum ist vor dē richteren gestanden / sich het
wellen als ein frū man des verantwurten / Ja man solt
dir in peinlichen ansprachen das ist in criminali actio-
ne criminaliter intentata / also abwesents / vnd allein
mit schelmē biechlein gedruckt glauben geben / vnd dē
Ecken flux vnd bald in anckē rōsten vnd in öl siedendo-
rum das er. Junckher Zwinglys list / falschen glaubē
vnd irthū anzeigen kan. Bistu doch magister quinque
predicabilium / weistu nit was ist. De edendo Iudicio
sisti. Iudicatum solui. Aristoteles in octauo postero-
rum. Hastu nit in predicamentis gelesen

Stultum est petere quod potest iure negari

Dorum ist Eck diner anlag ledig vnd hat sich / erlich
frumlich / rechtlich verantwurt vnd als ein frum man
versprochen

Eri Du heissest in vnd den Faber ertz figent einer lob
liche vnd frummen Eidgnoschafft / du magst wol ein
ertz lügner sein dieschwoben sint ob got wil nit dorū der
eidt gnossen ertz figent / das sy ein mal mit inen krieget
haben. Aber du woltest. D. Ecken den eidtgnossen da
mit gern gehessig machen wie du mir mit den schwoben
hast gethon / als du in dinem schelmen büch zū. Zürich
gedruckt schreibest wie ich zū Friburg vff den heiligen
Karfreitag sol geprediget habē / in dem passion / das die
schwaben über Christum hinder einem Berg gestanden
die hinder hüt gehalten hant / wo Christus vnser herre
den Juden enttrunnen were woltent in die schwabē ge-
fangen vnd erhenckt han. Das sint du vetlogner bübe
deine schelmenstück die du mit mir vnd Ecken Fabren
Lempen / vnd andrē frummen lüten bruchest / vnd ge-

gen erberen lendren vnd lüten / gern verunglimpfftest
Du meinst fillich ich sey deins leckerischen glaubens
das ich vff den heiligen karfreitag / solche vnchristliche
sahlen treibe vnd gespöt vß dē sterben vnd leiden Chri-
sti meins herren vnd gots als ir schelmen niemer leicht-
fertiger sint / dan vff den heiligsten tagen

Cxiij Schiltest Ecken vnd Fabern erz figent vnd sch-
meher gots / vnd aller worheit / das sy die disputation
geholfen hant anschlagen / wer sich ein mal nit schäpe
zū liegen / der lüg dornoch mit Lutiano vnd der gāzen
welt in die wet / also thūstu hie ouch / wer bistu dā also
schühelich / das wir dir sollent glouben alles dz du sagst

Cxiiij Wendest aber ein vrsach für / deins verzagte vß
bleibens / das deine herren vnd du / zū dē anschlag nit
sint zū gelassen worden. Von deinen heren / gib ich dir
kein antwurt / dā was gemeine eidtgnossen vnser e gne-
digen herren / mit einander handeln / gbürt mir nit vō
zū reden / Aber dir antwurt ich / das es einer loblichen
vnd frommen eidtgnoschafft gewonheit nie ist gewese
Kirchendieb / rauber / Ketzer bößwicht / vnd landt schel-
men als du einer bist / zū iren anschlegen zū nemmen sy
werdens ob got wil an dir ouch nit anfohe. Ouch bistu
ein parth / vnd gebürt dir nit das gericht zū verordenē

Cxv Wilt Eckens Fabers vnd mein recht messigs er-
schinen argwenig machen / dorum das du dich allewe-
gen rechtēs vnd dich zū berichten lassen erbotten habst
doch mit angenehmen plätzen / die sy nit schelten mögen
Wir wissents wol das du vnd alle Lutherischen sich al-
wegen hoch erbieten / wer sy kinne anders berichten dē
wellent sy volgen / aber es ist alles erstuncken vnd erlo-
gen was sy sage / ouch alles das sy essen vnd drincke wer-
den luter lügen in irem leib. Ich reds vß erfarenheit dz

es der euāgelischen büben art ist am aller lügenhafftig
sten zu sein wo sy sich der worheit am höchsten verdingē
Wil man sy berichten mit vsachen / so sagents es sey so
phisterey. Wil mans thūn mit einer disputationē / als
die frūmen rī orter zu Baden mit grossem kosten gthō
hāt / vnd der aller christlichsten frūntschafft inen gern
vñ irthum geholffen hetten / so schmehent sy mit der vn
worheit die besandten doctores. Den Lēcken er hab ge
sagt es sey kein eidtgnos / er hab ein kñ geheyt / des sich
der frum mā vff das aller höchsten mit erbieten in gefēg
niß zu gō erlich verantwurt hat / das er solches vō den
frummen christen leuten sein lebtag nie gedocht hab. Dē
Fabren er hab gelt in die eidtgnoschafft gefiert vnd da
mit die disputation er koufft / das er worlich in ein wertz
stein muß verneget habenden die frummen wisen herrē
der rī ort kñment ie nī erfaren war das gelt hyn kum
men sey. Den Wurner er sey sei lebtag niendert mit e
eren abgescheiden / das ist allein zu montefleischtm ge
schehē / vnd nī allēhalb do gab ich kein lētz vnd scheiß
ins bet. Die andrē doctores es syent eulen doctores al
so not ist inen die zu hören eins besseren Berichtes. Also
danckent sy ouch iren mit eidt gnossen ires kostens vnd
arbeit von wogē irer vnderwising gehabt
Wil man das thūn / mit dem heiligen geistlichen rechtē
so sagt ir es habs der Babst gemacht / vnd die spitz hiet
Wil mans thūn mit dem keiserlichen rechten vñ welchē
alle stat vnd landt recht fließen / so sagt ir der keiser sey
ein man als ein ander man / was gadt aber das das re
cht an. Wil mans thūn mit den Concilien / so sagt ir sy
sient wider ein ander / vnd dorum krafft loß Wil mans
hūn mit sant Jacobs epistelen / sagt ir er hab den selbē
Brieff nī geschribben. Wil mans dan thūn mit denen

Nachabeischen Biecheren / sagt ir es sient nit biblische
biecher. Wil mans thün mit dē heiligen lerern / sagt ir
sy sient menschē gsin / fillicht meinent ir sy solten genße
sein gewesen / vnd ir gschriftē sey menschē tant so sint
vwere schelmē biechlein Büben tant / vnd wolt nit gern
mit vch duschē. Wil mans thün mit wunder zeichen so
sagt ir der teuffel hab sy gethō. Wil mans thün mit dē
prophetē sagt ir es sient dunckeler reden. Wil mās thün
mit dem gots wort / so wellent ir kein richter han der er
kenne ob das gots wort by vch sey oder by vns / von vch
recht verstanden werde oder von vns. Wil mans thün
mit den Euangelien / so biegt ir vnd ziehent der wörter
synn wa hin ir wellēt. Wil mans thün vff dissem plāz so
wellent ir vff ein andren. Vnd können mit. War kolso
nienen boum finden doran ir hangen wellen. In suma
summarum alles vwer er bieten ist erstuncken vnd erlo
gen ich meine ir verstond mich wol

Du hast dich zū letst gegē den botten also vff gethō vnd
gebetē / das man dir des Lcken meinung in gschriftē
zū schick / wellest all weg das so vff einē morgē vō Lckē
verzeichnet were / vff den nechste morgen dor noch ge
schriftlich verantwurten. Sag doch durch got / was
het mā doch mit dem briefflein senden vs gericht / so du
kein richter leiden woltst. Wen wer aber in dem lumpē
werck bgeschlossen wordē. Wir woltent wol die halb eide
gnoschafft mit solcher schmutz kolberey verzeret haben
vnd were dennocht niemans do gewesen / der als ein ob
mā vns des rechtē entscheiden het / dan fillicht güt schē
ckel mit sinem zornigen vnd rostigen rappier

Erwij Du meinst vs solchem er bieten mög mengtlich
sehen das du dir by dīner lerē die gots ist gar nit entsitz
est. Jo wen es über drey meilen disputieren gilt vnd do

heim die dir küßt in bliesen / so werest ein stolze wachtel 7
zu disputieren. Sine dir die zwölff örter nit also gloub
würdig / das du vff ir so treffentlich geleit vor inē erschi
nest / worū wolte sy dan mit so grossem kosten dir vß
warten bis du deine arß wisch alle verflitterest / vnd so
sil güter frummer stunden übel verzeren. Zum anderē
das dein lere gottes sey das glaub ich heut noch niemer
mere / das got ein solcher grosser bößwicht worden sey
vnd dich in krafft seines worts geheissen hab / dē armē
vnschuldigen / das ire also geweltigklich stelen rauben
vnd brennen wie zu Yttingen beschehen ist. Zu dē drit
ten ist Christus vnser herre gewillig vor richterenglen
bigē vnd vngleubigen erschinē Wen aber Ulrich Zwi
gly zu Baden erschinē were / wer wolt mitler zeit seiner
eelichen hütten vff der lauten han geschlagen

Erwil Sagst dir sey über din bit kein antwort wordē
doran ist Salomon schuldig / der spricht. Du solt kei
nem narren antworten nach siner dorheit / er acht sich
sunst für weis / doch ist kein antwort ouch ein antwort.

Erz Legst aber Ecken sil zu / wie er sich beriemet hab
mit einem wort deine gründe vmb zu kören vnd Fabrē
das er seinen kunden gescribben hab / vnser über wun
dung in den drien ersten artiklen / lieber ich bit dich wē
du mere also grob liegē wilt / so lüg ouch leut dor zu die
dir deiner lügen glauben / wir sint nit miessig.

Erz Gibst Decolapadio sil zu wie er sich in der disputa
tion also kostlich gehalten hab / wie weistu das / du bist
doch die weil zu Zürich hunder dē offen geseßē vnd hast
diner frauwē das hemdly bottē dorā sy die zen gewisch
er hat / vnd wilt dēnoch kundschaft geben was zu ba
den sey geschehen. Die rii ort als richter sollēt sprechē
wie sich die parthen gehalten haben / vnd nit du. Resur

dicata pro vero habetur / non iudicium partium. Ich lasse
mir bey vnserē acten gar nüt grusen / ir schleyer. Eulē
loben einander als fast ir wellen

Cxxi Verhoffest die acten werdent vnuerzogenlichen
von einer loblichen eidegnoschaft mit dem druck vs gō
aller christenheit zū gutem geoffenbaret / wir erwartē
vonden xij orten ein richterlichen spruch über den miß-
verstandt. Als der Strengerē notfest Der Caspar vō
Wülhenen in nāmen der xij örter / in der kün chen zū ba-
den offentlich vs gerieffet hat. Sy wellent richter sein
nit über das wort gottes sinder über den miß verstant
Du verhoffest der acten mit dich dorab zū besseren sin-
der wie ir kün chen und fier stimmen dorüber zū mache
vnd für ein reyen liedlein zū singē. Wie weis ich so wol
wo die luthirisch vnd euāgelisch Kessler zunft der schüt-
druckt. Wilt sy Bndtigen die acten bald zū druckē oder
wir fielen sinst in ein ruher Babstenthūm dan vor ie. 12
Wunden willen es ist noch zwo milen dar das du ein eid-
gnoschaft Bndtigest zū thun woz du wilt. Es habents
Reiser / Fürsten / Stet / Land / vnd leut noch nit ver-
mögt / ich geschwig ein verlogner diebscher pfaffens
Cxxii Sūchst grossen glimpff die Züricher habet vns
wellē geleit vnd sicherheit geben / mit hochhem erbietē
vns ein kindt vs dē taff zū heben. Das kan mir ein hold-
seliges an mūten sein / Begeren deren doctores in eignē
kosten / deren sy einen anziehen er hab gesagt alle eide-
gnossen sient / wie ob stadt in dē xv artikel / mir grusets
zū melden. Der ander hab gelt wider sy in die eidegno-
schaft gesieret. Der drit hab an allē orten wo er ie ge-
wonet reussel in die heuser gemolet. Wer wolt aber den
doctores geradten haben / zū solch en iren anklageren
ein zū hören. Jo sy soltē xij ort verlassen die sy berieffet

hant / vnd einē nach lauffen / die sy nit habent berieffer 8
die kripff sol dem ochsen nach lauffen vnd der lerer dem
lerē knaben. Wer inen wol das angestanden / dry meil
zū den doctores zū kumen / sy wilkum zū heissen / die me
dan. xxx meilen von ires frummen wegen dar kumen
worent. Wer wolt vnder ein solch hudelmans gesunde
sich wagen / die eben zū einer disputation gehörent als
harpffen zūm sterbē / die vff einer vor gangener dispu
tation zū. Zürich gehalten / nit anders detten dan zū
dem Faber rieffen / werfft den schelmē zūm fenster hū
vß in die lymat. Die ouch von einer oberkeit weder ge
passet noch geregieret mögen werden / vnd eben denen
doctores oder ires gleichen ire gieter / klöster / zins vnd
gült / huß vnd hoff / wider got / ere / recht / vnd alle er
berkeit / gestolen vnd geraubet haben

Erxij Bittest da bey die xij botten einer loblichen eidt
gnoschafft / das sy den Faber mit deiner Biecher brant
so er vor im hat / keins wegs lassen für faren / ermanet
mich eben / als so einer gemördet het vnd bette mā solt
in nit redren. Hastu ketzersch vnd versierisch geschrib
ben wie Faber āzeigt / so nur in das feur schreiber vnd
Biecher mit fedren vnd dinten fesslein als zāmen. Vnd
hastu die einfeltigē versieret das sy der kirchen güte vnd
frummen leuten das ire gestolen / vnd geraubet haben
wie der. Wurner dich beklagt / so zierest du ein galgen
silbas dan ein kätz / vnd bist der priester einer / die mit
den fiessen den segen geben

Erxij Ermanest gemeine Eidtgnossen / dz sy das nit
an dir als an einem gebornē eidt gnossen begangen vō
wegen irer erb find / ermanet mich eben als wolte man
iemās in deutschen landen hencken / vnd der dieb bette
mā solt das nit an im began / dorū das er ein deutscher

were / man richtet zūn übel dādteren / vnd achtet klein
was nation sy sigent / der erb sint schaffe halb ist vor ge
nüg sam verantwurt

Cxxv. Du sagst sy habent dich für vnd für geflohen sy
sint dir xxx oder xxx milen noch gezogen vnd habent sich
für die borte der xij örter einer loblichen eidgnoschafft
gestellt. Aber vnser zwingly ist im hūdt hus belibbē vnd
sage dennoch sy habēt in geflohen / also gadt der Barm
hertzig kemmyn seger mit lumpen werck vmb

Cxxvj. Treuwest wie du wellest die schmach des brāts
diner lerē die gots ist als du lügst retten / hettest das im
sinn gehabtich wolt dir selber etwa für tusent mā alten
sembacher harnisch geluhen han / das du dest gewapp
neter gō. Baden kummen werest / vnd dir die schwebel
hölzly kein feur angezündet hetten

Cxxvij. Lügst auch da bey das die doctores zū einer zer
trennung werben einer eidgnoschafft. Sy vereinigtē
gern im glauben die du zertrennet hast. Aber der welt
lichen herschafften / vnderziehent sy sich gar nüt / das
wissent all vnser genedigen herren von allen orten

Cxxviii. Sprichst zū end / das wir in allen wesentlichen
stückē des christlichen glaubens / ganz ein hellig sint
wolt got vnd Maria das das wor were. Aber es ist ein
wesentlich stück des glaubens / die götlich gschriffen zū
glauben / wie fer du doran irrest zeigēt die actē wol an
ouch wie du dich also vnchristlich vnd dedtlich gehaltē
hast mit den armen vnschuldigen / das es schande vnd
schad ist / das man dich nit lengest dem erdtrich entfret
der het / den lüfften beuolhen / vnd an einem galgen er
wurget vnd erdödet hette. Wie dā solches gots vnd al
le menschliche gerechtigkeit erfordert / das dir solches
wider fare wel die heilige gots gerechtigkeit. Amen

Die anlage eins. Ersamē weisen
rathes der stat. Zürich gemeinen
Eidt gnossē über doctor Wurner
gschrifftlich gethon

9

E. Vnd sunderlich hat der frēd mūnch Doctor Wurner zu. Luzern ein schantlich / erlogen gedruckte buch lin / vnser glimpff / ere / leib / vnd gūt betreffend vß gā vnd sich der nit ersetzigen vnd vernieigen lassen / vß vergiftigem hertzen / vns vnd die vnseren / erst nachin diser vergangener tagen / vß gehaltener disputation zu Baden im Ergow / vor heimischen / vnd fremden so da zu geloset on ollen grundt der warheit zum höchsten an geloge / verunglimpft / beschuldiget / vnd vß gespreit Mit solchem pracht / vnd schalcke / das meng frum biderb mensch so das gehört / doran nit kleinen vnwillen gehept / das wir nammens har kōmens / vnd aller dingen halb / ein loblich erlich ort / also schmechlich haben sollē geachtet / vnd der welt mit gedachten lügen in den hals kummen. Dan wir guter hoffnung sint / das manchem frummem bider man leid sey / so vns mit verachtung in einem vnde dem andrē begegnet vnd dheim gefallen entpfahint

Doctor Wurners antwurt

Den Strengen Eren Not festen Fürsühtigen Ersamen Weisen minen gnedigen lieben herren. Burgermeister Rade / vnd dem grossen rade / so man nemt die zwey hundert / der loblichen stat Zürich. Entbüte ich Thomas Wurner Barsfüßer orden / mein vnderthenigewillige diēst / alles gūtz zu vor / vnd mit luterer wor

heit zu wissen. Das ich bin Bericht worden einer schwe-
ren / treffentlichen klag / so vwere gnad vnd ersame wif-
heit / vff das aller zornigest / über mich den xij örteren
einer loblichen frumen eidtgnoschafft gethon het / ver-
unglimpffet / vnd übel gescholten / des ich mich gegen
vwerē gnaden ganz vnd gar nüt verschen het / sunder
aller gnaden vnd gunsts / als einer der all sein lebtage in
synn vnd danck nie genumen / ein ersamen weisen rade
ein gemeine burgerschafft / der loblichen stat Zürich a
zu liegen (wie vwer gnad schreibt) zu schuldigen / ver-
unglimpffen / oder in einherley weg zu enteren. Vnd
so nun die gätze klag nüt vß genumen / sich über mich
nimer erfinden mag / muß ich da bey versto / das vwer
ersame wißheit von mir etwa von einem mich haß al-
so der vnworheit ist Bericht vnd vnderwißt wordē vnd
so vwer genad mich nit besunder dorū erfragt oder ge-
recht fertigt hat / sunder offentlichen beklagt / habt ir
mich verur sachet / ouch offentlichen mein verantwor-
ten zu thun. Ich nym aber gantzlich da für vff / so ich
billicher solt geklaget haben / het mir vwer wißheit mit
vor gethoner klage wellen für kummen. Vnd namlich
solt ich mich billich beklagē / gegen vch minen gnedigē
herren / denen ich mit wissen mein lebtage nie kein leides
gethō hab / das vwer gnad solche schandt biechlein als
zwey in vwer stat sint gedruckt wordē / wider mich vnd
andre christliche doctores lasset on straff also feil habē
drucken / weiter vff das landt vß spreiten / vnd in frem-
de nationē senden / das doch alle rechten vß weisen mit
den hochgerichten solte gestraffet werden. Zu dem an-
drē vns armē barfüße / die wir alle zeit gern vns vwers
willens geflissen hettē / habt pfleger geben / die beedert
vnseren nutz vnd frummen zu schaffen / da mit vns ver-

10
wenet vwerer gnaden höchstē gunsts / vnd nüt dā als
ler fründtschafft zū vwerē gnaden vns zū verschen biß
ir iüngst / on alle recht fertigūg / on berūff in das recht
wider vnserē verwēte so hohe zū ver sicht gegen vwerē
gnadē / vns habt genūmen vnser kloster / hus vnd hoff
zins vnd gült / Brieff vnd sigil / stiftūg / eigenthūm / er
erbte / erkouffte / vns gegabte / vnd mit vnser arbeit ge
winnene gieter / on alles vnder scheiden / als entfrem
det / mit vil schmechelicher handlūg / zū letst in das ellēd
vnuerschen irer naring vß geschlagen / io ouch vwerē
burgers kinder. Also mere ist vweren gnaden zū hertze
gāgen. Ulrich zwinglys vnworhafftige lere solches zū
thūn / dan vnser fridsams / vnderthenigs by wonē von
dry hundert iaren hare / in vwer gnaden stat. Ich ge
schweig dē xviii iar so wir in vwerē widerwertigkeitē
mit vch erlitten / in welchen kein kirchgang was dan in
vnserem kloster. Zū dem dritten habt ir vch solcher vn
vngnedigen vnd vnvetterlichen dedtlichen handlungē
nit lassen verniege / sunder in all vwerē gebiet vnd her
schafften lassen vß gon / wie ir solches zū thūn vß dē hel
len gots wort erlernet habē. Als ob wir solch gros übel
derter weren / die got der massen / on alle gerechtigkeit
gebūt also dedtlich zū vertriben / verderben / vnd vō dē
angesicht differ erdē ablöschen vnd verdilken. Also hat
vns armen on richterlichen spruch / erlos / vnstrū vnd
vnerber wellen in vnseren dodt vnd grab vwer genade
ich solt sagen vngenad abfertigen. Das wir doch alles
weder vor gericht noch recht vns nie / sunder al ein vn
serem betriebten hertzen / vnd vch vnseren gnedigē lie
ben herren beklaget haben. Vnd got dem almächtigen
in dem höchstē thron / dem on allen zwysal solche dedt
liche handlungen leidet sint Wie wol ich da bey hōre das

ir etlichen abscheidendē Briederē / ein Bätzen von einer
meilen / wie einem andrēlenffer zū erkant hatten ein be
weineder dāck des lang ierigen lieb vnd leids leiden mit
vweren gnaden. Zū dem fierden das ich zū Luzern ein
schañdlich erlogen gedruckt Biechlein / vwere glimpff
ere leib / vnd güt betreffen hab lassen vß gon / von keinē
solchen Biechlein weis ich in worheit / habt ir eins so be
gere ich das von vweren genaden zū sehen. Ich weis ie
nüt dor von by priesterlicher eren vnd glauben / ir wol
tendt dan vch beladen was ich vnd Ulrich zwingly ge
gen einander schreiben / das ich nüt glaube. Mit nāmē
nammen hab ich ein gedruckten Brieff / wider des zwit
glys erelose leren lassen vß gon / vnd das ich vwer gnad
vnd ersame wißheit dorin nüt verwickelte hab ich von
wort zū wort mich also protestieret / vnd gemeinen eid
gnossen / vff dē tag zū Einsidlen versamlet zū gesendet
Bezüg mich vor got vnd vweren gnoden / was ich den
gantzē handel bis an das end / reden oder schreibē wür
de / das ich solches nüt thū / noch thūn wil / oder begere
vß gemiet vnd meinūg / einen ersamen weisen radt ein
gantzē burgerschafft / der loblichen stat Zürich zū letzē
verkleinē / oder zū vneren gedencen / als mir got wel
le / an meinen letzten endē gnedig vnd barmhertzig sein
Sunder allein zū not der sachen / in krafft der götliche
worheit zū rettung vnd verantwurtung vnserer ange
klagtē libs / lebē vnd erē. Vnd schier zū end des Brieffs
also. Wie wol ich ungezwiflet bin / wo die frūmē christ
lichen Züricher deren ob got wil noch sil sintre. Dorin
ich mit der worheit rede / das ich von solchem gedruck
ten Biechlein / das ein ersamen weisen radt / vch mine ge
nedigē herrē / oder ein gemeine burgerschafft also hoch
antastet / wie ir vch beklagen gantzē vnd gar nüt weis

11
Zu dem fünfften das sich vwer er same wißheit von ba-
den / mein also zornigklich beklagt / wie ich vch vnd die
vwerē / vor fremden vnd vor heimschen / on allen grūt
der worheit / zūm hēchsten angelogen / verunglimpfet
vnd mit einem vß gestoffenen schalck prächelichen ver-
achtet. Des bezüg ich mich vff die frōmen herrē vnd
bottē der rñ örter / vnd mein über gebene klag vnd hād
lung den presidenten / dorin ich mich geschrifflich von
vō wort zū wort also protestieret hab. Vnd vff das mi
sach dest gemerter vnd besser sey / darff ich mit bezügung
des götliche nammens / mir Christum begeren dest vñ
genediger zū sein / wo ich mit eincherley gemiet / zū lēz
en oder schmehen iemans lünden / ere / oder nāmen zū
antwortē mich vnder zogen hab / oder vß was das we
re bittere des hertzens bewegt / eincherley mēschen vñ
der stünde lesterung zū zū siegen. Sunder allein durch
natürlichs rechtens / zū gelassene beschirmung / mein
leib vnd leben / gūt vnd ere / vnderstand zū retten vnde
zū verantwurtē. Dorum soles weit von mir sein be
zügich mich Mariam die iungē frau / ein ersamen wei
sen radt / oder sunst iemans andere burger / einwoner
beywoner / der loblichen stat von Zürich / in disse mei
ne antworten zū drayen / reizen / oder ire würden wie
das doch mēcht geschēhē / mit list oder angestrichener
farbē zū verdücklen / oder verkleinen / als mir got helff
vnd die heiligen gots euangelien. Disses entschuldiget
mich mere dā genūg / der zornigen anlag / wie ich vor
fremden vnd heimschen / vnd vor gemeinen botten der
rñ örter / solte in schalck gegen vweren gnaden habē vß
gestoffen. So ich nun sühe das ir von mir übel berichte
sint / wil ich vch mein gātz n handel zū Baden anzeigen
vff das kein lügner mer vweren gnaden die oren füllen

mög. Vnd bin zu Baden noch vor gemelter protestati
on also für gefare. So aber ein nurwe lere / vnd miner
achtung deren schedlichere. Christlicher welt nie vnge
wartet vß gebrochen het / in der christlichen herren vo
Luzern gebiet vnd herschafften / die erstliche verleug
net Christum Ihesum vnseren herren / einen erlöseren
des menschlichen geschlechts in dem heiligen sacramēt
der vereinigung gots / vnd des menschen / gegenwürt
tig zu sein. Da ich mich als ich hoff frumlich gebrucht
des ampts meiner predig / vnd hab erweckt die gemiet
der christgleubigen / mit allem fleis / das sy sich mit dē
vergallerten vnd bitteren giffte des irthums nit beflechte
Das Vlrich zwingly vngedultig erlitten hat / het mir
mit einē schmach büch / on nammen sein vnd des druck
ers für geworffen vnd verwissen das laster der abgötte
rey / da mit mich verursacht / in krafft einer gegē wer
disse schlusrede zu setzen / mit erbietung die vß der heili
gen gschrift zu erhalten

Die erste schlusrede

In dem sacrament der vereinigung / des leibs vnd
blüts Ihesu Christi vnseren herren / Christum vnseren
heilmacher gegenwürtig zu gelaubē / an zu betten vnd
zu erwürdige / mag noch kan kein abgötterey erachtet
werden / vō wegen der götlichen gschriften die das ler
nen. Auch mag der keins diebstals angeklaget werden
der das volck mit einer gestalt des brots bericht / als ob
er die gestalt des weins von dem christen volck diebsch
lich gestolen het

Vnhalt der schlusreden

Ei Diffe schlus red wil erstlich das das sacrament des
leibs vnd blüts Christi sey ein sacramēt der vereinigung
gots mit dem menschen / vnd nit des verzugs der sünde

Cij Sey ouch ein sacramēt des woren leibs vnd blüts
vnsers herren Ihesu Christi

Ciij Vnd das do syent allein die gestalt des brots vnde
weins / vnd nit worlich do sey wein vnd brot

Ciiij Das vnder denen beiden gestaltē Christus vnsers
her gegenwürtig sey

Cv Das er also gegēwürtig / sey an zū betten / zū glau
ben vnd zū erwürdigen / vnd nit allein zū essen vnd ver
schlucken

Cvi Dz also zū thūn sol kein abgöttery erachtet werde

Cvij Vnd das das volck nur mit einer gestalte soll be
richtet werden

Cviii Vnd wer die ein gestalt des weins dem volck nit
gibt / das der kein dieb sey

Cix Mag ouch mit der anlagen des diebstals nit an
gefochten werden

Die ander schlusrede

C Es mag mit keiñ heiligen gschriftē beweret wer
den / alles das in zeitlichen gieteren / oder die personen
betreffen / on rechtlichē spruch / allein dedtlich dē nech
sten genummen wirt / mit oder on gewalt entfremdet
oder wider sinē willen vnderstāden / mit was titel doch
der miltē werck / einer reformation / oder für wendūg
des glaubens das beschehe / oder vrsachlich für gewāt
würde. Sunder sol alles erachtet sein / wider recht er
los / vnd vnfrumlich gehandelt

Vnhalt der schlus reden

Ci Diffe schlus rede wil erstlich / das in zeitlichen gie
teren / der personen oder reichthums / on richterlichen
spruch / sol nit vnderstanden werden / hin genummen
oder verendret

Cij Des gleich sol ouch nit dedtlichen beschehen

Ein Den wo das dedtliche / oder wider recht Beschehe
mag das mit der götliche geschriften mit Bewerret oder
Befestiget werden

Ein Wie keiner farben der miltē werck der Barmher-
zigkeit

Ev DUCH mit keinem titel eincherley reformation

Evj DUCH mit keinem für wenden des glaubens

Evij DUCH nit mit dar thūn eincherley geistlichkeit

Evijij Sunst were das alles vnrecht / das ist wider got
vnd menschliche rechten gethon

Eix Were ouch erlos zu schelten

Ex Vnd vnfrumlich gehandelt

. Vß welchem allem vwer ersame wißheit wol sehen
vnd ermessen kan / das meins fürnemmens gang vnde
gar nie was / vwer gnaden / oder sunst personen an zu
klagen / vnd zu lezen Sunder allein die ketzisch / ver-
fierisch / erlos / vnd kirchen diebische leren des zwiglys
vnd aller lutherischen bößwicht / mit dem götliche na-
türlichen / stat recht / vnd aller völker recht zu durech-
tigen / vervolgen / vnd erlos an zu zeigen. Mit etliche
dar gethonen worhafftigen vrsachē / in fiertzig schlus
reden verfasst / die selbigen da offentlichen als einē ver-
lornen huffen / in die gots finde / vnd diebschen erlosen
bößwicht lassen lauffen hab wol dem löwe dieß genüg
i das mauil griffē sol ob got wil dē frūmē gar nit schadd
ich bin doch nit zu Baden gewesen niemans kliechlein zu
bachē. Wen ich erst den geweltigen alten huffen / der
noch verborgen lag noch gewonheit aller schülen hett
lassen angriffen so were erst die recht sturme glockē an-
gange. Vß das aber niemans vwer genad ouch der sel-
bigen felschlich Bericht wil ich sy hie vwer ersamen wiß-
heit noch der ordnung erzelen

Ei Ein ieder glaube der sine gleubigē / ein iedes gesatz das sine behalter / ein iede geistlichkeit die ire ädechtigē ein iede lere die ire iunger / erloß macht / ist dem götlichen gesatzē / recht messiger vernunft / dem natürlichen vnd aller völder rechten zů wider / lügenhafftig / verworffen / vnd erloß

Eii Erlos ist / der weder von dem gesatz / noch dē eigētüm gerechtigkeit hat zů verendern / vnd darff dennoch vnser gieter / on vnser dar thün verendern vnd vertragen / vnd mit seiner schuld seine eigenschaft bessern

Eiii Erlos ist / der mit titel vnd dar thün einer reformation / allein durch eignen spruch / vnd vrtail / dē erstifften gottes dienst entsetzet / hin nimpt / vnd ab thut vnd das iederman brtraffe mit sinem freffel entformet auch beweret / nit achtet mere zů sein das er mit der dadten thut / den das er mit erdichtem gemiet verfasset

Eiiii Erlos ist / der mit farben der milten werckē / als almußen geben / die gefangenen erlösen / narunge der armē / von fremden gieterē / vnd nit dem sinen got eret vnd der kirchē gieter mit weltlichem richter verkauffet

Ev Erlos ist / der mit dar thüneins falsche glaubens oder geistlichkeit / den woren heren ire gieter hin nimpt vnd wo der richter / vnd erkētnis der sachen erfordret wirdt / erfüllet er freuenlich dedtlich oder on recht das ampt eins vnbequemlichen richters

Evi Erlos ist / der mit verēdretem radt / zů nachdeil einem andren / mit einem oēer filen vnd öglichen zügen on erachtung des rechten / frembden gieteren betrugt

thut den er durch die straff / des gesatz Julia peculatus
genant gebotten wurde zu straffen

Cvij Erlos ist / der im selber ein vrtail sprechend / frey-
den gieteren gewalt het gethon / zerbrochen hat / oder
beraubet. Dē das gesatz wil das er in das laster des ge-
waltes mit oder on woffen gethon gefallen sey / vnd sol
mit kolben geköstiget werden / auch gestraffet / als ein
schedlicher vnfrummer dieb vnd rauber

Cviij Erlos ist / der durch ein zerrüt / zerbrochē / oder
sunst vs was vrsachen das were geschwecht testament
den nechsten erben / die erblichen gieteren entfremdete
vffenthalt / vnd das sy dest minder den erben heim fal-
len / meyet do er sein lebtage nie hyn geseyet hat

Cix Erlos ist / der im ein legat / oder verlassene güt an
sich züh / Beraubet / vnd von welchen legatarien oder
rechten erben das were / so sy doch mit ingedinge wore
herrē sint / die legaten hin nimpt / zu straffen durch das
gesatz Cornelia / vnd mit den hoch gerichtten

Cx Erlos ist / der gabung durch oder on besorgūg des
dods beschē / oder die almußen den geistlichen gegebē
derē sy wore herrē werden / darff hin nehmen / zenich-
ten / rauben mit den hoch gerichtten zu straffen

Cxi Erlos ist / der zins vnd gülden / dem götlichē diest
vß miltē vrsachen verordenet / freuelet in weltlichen
bruch zu verendē / vnd mit eins andren nach deil vnd
schadē / ein andren reicher macht / vnd vnderstadt me
rechts vff ein andrē verwendē den er selber hat gehabt

Cxij Erlos ist / der den testamenten den aller heiligstē
kirchen gemacher betrugt thut / hin nimpt verbürget
raubt / ab thut / vnderzühet / verendret / den er wurde
gebote zu straffē mit der straff des gesatz cornelia genant

Cxij Erlos ist / der mit rumor / vff rüren / erschreckē

die zu gelassene haben der geistlichkeit / vnd den lön iren
arbeit zucht / Beraubet / zerschneidet / zerbricht / vnd so 14
sy sich mit iren gieteren got ergeben haben / sol das mit
der schweristen straffen des kirchē diepstals gestraffet
werden

Von rumor vff rüren vnd erschrecken

Cxiij Erlos ist / der klösterliche gieter / mit zu gelasse
nen handeln vnd contracten / erblichem rechten / oder
sonst mit rechtmessigen titelen überkommen / mit gewalt
hin nimpt / Beraubt / dan er sol mit den hochgerichten
gestraffet vnd belündet werden

Cxv Erlos ist / der die geistlichen heuser Beraubet / vff
bricht / bestreitet / oder stürmet / den er sol gestraffet
werden / durch das gesatz Julia / von gewapnetem ge
walt vnd das haupt von im genommen werden

Cxvi Erlos ist / der durch erschrecken des abwesenden
gieter / für verlassene gieter halt / hin nimpt / den der
richter gebüt die wider zu geben / vnd bezwingt das klö
ster mit den hochgerichten

Cxvii Erlos ist / der die hin genommene gieter der geist
lichen in ein weltlichen bruch wie milt der doch were vß
deilet / vnd handelt / wider den willen irer herren

Von got ergebenen iungfrauen beslecket

Cxviii Erlos ist / der die got ergebenen iungfrauen
durch das gesatz verboten / zu der ee nimpt / vnd mit
verbottener gemahelschafft sich beslecket / so die vō inē
erborne kinder / das gesatz gebüt / für keine kinder zu
achten / vnd onch den vatter si zu erneren nit bezwingt

Cxix Erlos so der ist / der mit dieser lesterliche verma
dū

helung der got ergebenen iungfrawen / mit vn zimelichen zu lassen / sich bescheisset / volget / das die kinder also erborē / aller vetterliche substantz oder gieter vnd güttadē vnwürdig syent / vnd ouch nit natürliche kinder zu nennen

Cxx Erlos so der ist / der in ein got ergebene vermehlet / vnd wider das gesatz mit ir zu schaffen hat / volget das weder man noch weib / vnd weder ee / Brutloufften morgengabe / noch vetterlicher gewalt / da verstandē werden / den das gesatz wil die kind der gemein erboren haben / vnd die sich also vermehelen straffet es mit verweisung in das ellende / mit verfallen irer gieter / ouch mit streichen / vnd bösen lümden

Cxxi Erlos ist / der die heiligen iungfrawen freunlet zu Brutloufften zu reizen / fürderen / ein fieren / gewalt gebē / vnd so er mocht das nit verbütet / dan in dē malefizē wurt der wil vnd nit die gschehene dadē oder das end angesehen

Von heiligen orten befleckt

Cxxii Erlos ist / der ein heiliges orte / ouch noch zerbruch des geburwes / in fremde bruch entheiliget / so dz gesatz ein solches ort gebütet heilig zu sein / ouch noch vff gelöstem geburwe

Cxxiii Erlos ist / der ein geistliches orte in weltlichen bruch verendret hat / so er das selbig des götliche reches het gemacht mit eignē willē sinē dodtē dari zu trage

Von befleckung der dodten greber der bildung vnd seulen

Cxxiiii Erlos ist / der der dodtē leichnam vs den grōbe zühēt / oder ire gebeine vff har nimpt / oder die greber

zerstörēt / dā die ansprach des befleckten grabs belüm-
det / den sy die ärmeren dödtet / vnd die erwürdigeren
in die insel verweistet / oder verdämet sy in ewige arbeit
des metalles

Cxxv Erlos ist / der seulen oder bildung der heiligē zer-
bricht / verschmelztet / den er versallet dem gesatz Ju-
lia maiestatis / dā das laster wo es durch die nach farē
nit verantwort wurdet / so versallet das erb dem gemei-
nen nutz oder seckel heim

Cxxvj Erlos ist / der die heiligē der himlischen burger
seulen vnd bildung / on höhe des hoffertigen anbetrens
vff gericht / vnd durch kein heilige gschrift iendert ver-
botten / vnwürdig handelt / den es zümpet sich belonung
der tugend den verdienstlichen zü geben / dorum ouch
das gesatz die seule vff zü richten gebotten het vnde mit
dem gesatz Julia maiestatis die beflecker verdämet het

Von schmehung vnd schmach biech
biechlei / vnd vnder druckung der vnschuldigē

Cxxvij Erlos ist der ein vncitierten / vnberiefften vn-
überwundenden / oder keinem vrteil verfallenden oder
vnschuldigen / von seiner besitzung / vnd rechten gewel-
tiglich / oder mit spruch abtreibt / in das ellend verwi-
set oder sunst mit einherley hoch gerichteten beküret / so
das gesatz vnd recht von allen güt meinet / byß das wi-
der deil mit recht er funden wurdet vnd beweret

Cxxviii Erlos ist / der ein burger / ein woner / oder
sunst ein ieden in sinen muren beschlossen / gebietē vnd
her schafften / der burgerliche bürden erleidet / io ouch
ein gast was stadts oder würdē der were on alles recht
vō seiner gieter eigenthum / besitzung titelen / abtreibt

gewaltig etwas dor von nimpt / ein diebstal raub / vnder druckē / die nimmer möget mit eincherley des glaubens / oder der frumkeit farben beschönet werden

Cxxix Erlos so der ist / der mit gemeiner der christlichen eide gnossen gewöheit / von irē elteren gehalten auch in kriegs noten kündt Betterē / alten / vnmündigen / kinden / priesteren / den heiligen kirchen / vnd iren geschirren got gewihet / etwas gewalts thut / hin nimpt / entwürdiget / mit dem dodt zu straffen / So ist der filerloser der solches an einem burger frenelet zu began / das noch irer loblichen gewonheit / sich mit zimpt an einem finde zu began

Cxxx Erlos so der ist / der on rechtliche form vnd ordnung / in personen oder iren gieteren etwas vnrechtes begadt / dedtlich / oder geweltig. So ist der doppelter / der noch begägener vngerechtigkeite / mit den vnschuldigen / vnder gedruckten / vertribbenen on widerkore / mit inen verdragk macht / schedliche vereiniget vnd fremde gieter deilet

Cxxxi Erlos ist / vnd nit on argwon der verwilligung der wider die empörenden / vnd vffrierigen / noch übel gehädleter sache / mit diechlein straffet / zuckes / raub diebstal / dem adel beschehē / aber der geistliche in gleichen vngerechtigkeite / nit in einem wort gedencket / als ob sichs in einer ellenden personen zimpt / das in einer adelichen mit dem gesatz vnd bösen lünden verbottē ist

Cxxxii Erlos ist / der vō dem glauben disputierend vnd predigend personē vnder richtet / mit geschrey / vffriuren / erschrecken treuwen / oder anderen farben gefertlich handelt / das der gegen deil dest minder frey die giete seiner sachen mög beschirmen / vnd verantwurtten

Cxxxiii Erlos ist / der mit geschriefften / druck / malen

16
Bildungē / schmach diechlein on oder mit erdichten nā-
men macht / vñ spreitet / schreibt / ob schon das zu für-
dernis des glaubens Beschehe / da durch er mit solchem
erdichtē weg / den gūten lūnden des nechsten schedigt
vnd mit solcher Bosheit vnderstadt zu verduncklen

Cxxxiiij Erlos ist / der den aller heiligsten kirchen stift-
ten klösteren / geistlichen heuseren / ellenden personen
ein vogt oder für münder gebē ist / vnd von einem radt
beeidet / wo er in ire beraubung / vñ treibē / oder andre
vngerechtigkeiten / inen geweltigtlichen / vnd on rich-
terlichen spruch verwilliget / den iederman verstadt in
meineidig zu sein. Es wurd ouch mit gleichē meineide
vnd bösen lūnden der selbig radt verlūndet / der dē ge-
walt thūt / vnd dē vogt oder pfleger den eidt geben hat
des sy die ersten überdretter sint

Cxxxv Erlos ist / der vñ geferden vñ das er nit wider-
fochten werd / erdicht wie das gots wort kein richter li-
den wil so doch in den götlichen biecheren / offenlich ge-
lesen werden Christus der Behalter / vnde die apostelen
über das worte gots / vnd iren leib vnd leben / gewillig
richter erlitten haben / geappellieret / vnd in den krieg
zum rechten sich begeben haben

Cxxxvj Erlos so der ist / der nur ein ort der heiligē ge-
schrift wissenlich vnd nit geferdē felschet / mit was er-
loßheit ist der zu merckē / der das gantz nūwe testamēt
Jhesu Christi wie das Emser beweiset / fierzehen hūn-
dert mal / das der Luther gethō hat / het gefelschet ver-
böseret / zu gethon / geminderet / vnd mit schentlichen
glossen beschiffen

Cxxxvii Erlos ist / der die von got / vnd den hymlichē
geistē / küsch vnd reine iungfraw gots gebererin Ma-
riam / mit gemeiner der gantzen Christlichen welt so er-

würdig gehabt / das sy ire Beflecker / ouch alleine mit
worten / mit dem dōdt gestraffet hat / enteret oder ge-
unwürdiget. Dē sy als ein mūter hat got in dem nūwē
vnd altē gsatz mit vngehortē lob der welt zū erē gebottē
Cxxxviii Erlos ist / der Luther / der so er wider got die
heiligen gschriffen / gūte sittē / vnd in die heilig gottes
kirchen vier hundert mal gelogen hat / als der Wurner
das beweret hat / vnd noch beweret wil / vor welchem
richter man wil / noch dennoch freuet er / das einfal-
tig vnd vngelort Christlich volck von dem weg der wor-
heit zū sieren / zū liegen / wie er durch den heiligen geist
geredet hat

Cxxxix Erlos ist Ulrich Zwingly / der durch sein luge
hafftige / verworffene / vnd erlose lere / vrsach vnd by-
standt geben hat wider die obgenanten schlusfreden zū
thū / fremde gieter zū stelē / rauben / kirchen diebisch
hyn zū nehmen / die vnschuldigen vnder zū druckē / zū
drucken / zū vffrüren / sich in ein emperische fryheit zū
schwingen. Der eidtgenossen einigkeit / pundt mit file
blüts erobret / zū zertrennen / von Christlichem glau-
ben ab trinnig zū werden / zū beflecken vnd lesteren die
iungkfrauwen Christi / testament zerbrechen / klōster
zerstōrē / den gots dienst nider zū legen heilige vnd geist-
liche örter zū entwürdigen / mit schmach biechlein zū
schenden / mit baderen / köchen / gerberere / von dem
Christlichen glauben gefertlich zū disputieren. Den in
vnd seins gleichē / alle gesetze götliche vnd menschliche
mit den hoch gerichtē dōdten vnd abfertigen

Cxl Erlos sint alle Lutherischen / durch welcher ver-
worffene lere beschehen ist / das so fil tusent menschen
in so kurtzer zeit erschlagen sint / welcher blüt on zwiffel
zū got in die hymnischen oren rieffet / so sil dōdt schleg in

solche meister der döde vnd schlachtē grimmer zū rechē 17
die wie wole noch übel gehandleter sachen / sy von inen
ouch mit gedruckten diechlin nit erkant werden / noch
ist es dennoch der gangen welte nit vn bekant / das die
erschlagenē / do sy lebten disse des dodtes / vnd vergosse
nen blüts meister erkant haben / vnd das ir trurigelere
einer so grossen schlachten vrsach gegeben hat

C. Das ist ersamē wisen lieben herrē mein handlungē
die Bosheit der sachen / vnde vwere personen wo ir selb
wellent gar nit betreffend. Ich hab vch ouch mein leb
tag nie anklagt / oder namlichen in den vnchristlichen
dedelichē / diebschen handel verwicklet / sinder allzeit
vff das höchst abgesündret / vnd wie mir als einem pre
dicanten gebüret / wider das laster vnde die sünden ge
prediget vnd keine personen. Wandt ir aber wie an silē
orten des römischen reiches mere beschehen / wider die
fierzig schlus reden gethon / das ich vch nit zühe noch
noch enklag / den so sil ir mich in dissem brieff zū klagen
mit der worheit verursacht habt / so sint ir ebē die ich
meine. Vnd mies gots lidē erbarmen / das manch frū
Biderb mensch als ich selb ouch ein so hertzlich mit lidē
mit vch hat / vnd ir vch aber selber nit erbarmen / sin
der was man thut vch zū erkentnis vwers irthums vō
wegen vwers nammens / vnd har kummens / vnd das
ir sint ein loblich erlich ort / als mit der disputation ietz
das verlachent vnd verspottent ir vff das aller höchste
Ich las mich ouch klein irren / das ir mich by der gött
lichē worheit heissen liegen / disse ganze welt weis das
mein schlus reden vs gots mudt vnd allen rechten ge
zogen sint / got geb doch was vwere diebschen erlogne
vnd erlosen predica ntē vch leren Dorum gnedige liebe
herrē / ist mein demietige bit / ir welt zwischten dē dieb
ei.

schen vnd dedelichen handel / vnd vwerer gnaden per-
sonen hin fñrt das vnder scheiden / vnd der gschriftten
so zwischten mir vnd Vlrich Zwingly geschehen nit be-
ladē / den ich wil im noch das scherē / vnd laßt das gots
wort wider solche diebsche dedtliche hādlung frey vnd
vnbeclagt lassen predigē / schreiben leren . Den affter
dissen falschen / kēzerischē / vnd diebschen glauben bin
ich vweren gnaden / vnd der gangen burger schaff der
loblichen stat Zürich von hertzen geneigt . Bit got den
herren / das er vwer hertz erlucht / vnd vor allem leide
behiet vnd beware . Amen

Das ist das gegeben geleit vff die
disputation zñ Baden gehalten

Wir disse noch benemptē orten der . Eidgnoschafft
namlich Bern Luzern Dry Schwytz Vnderwalden
Zug vnd . Glaris . Rads Botten ietze vff dissem tag in
nach geschribbener handlung / mit vollem gewalt / vn-
serer herren vnd oberen zñ Baden im Ergōw versam-
let . Bekennent vnd thünd kundt aller mengtlichē mit
dissem brieff . Nach dē kurtz vergangener tagen durch
vnserer herren vnd oberen / von wegen der mercklichen
schweren leuff / ouch zueiung vnd widerwertigen ver-
stāds des heiligē gots worts / vnd vnserers woren chris-
tlichen glaubens / so ietz leider an filē orten vnd enden in
vnser eidgnoschafft vor ongē schwebend / nach sil mie
vnd arbeit / für gñt vnd nutz / da durch wir widerumb
mit hilff vnd gnaden gotes zñ rñwen frid vnd einigkei-
des glaubens ze kommen / ein gemein gesprech / collati-
on / oder disputation / wie man das gebürlichē nennen
sol vnd mag / angesehen / vnd zñ halten für genummē
So aber meister Vlrich Zwingly predicant zñ Zürich

18
nit der wenigest / sunder der fürnemist ist der solche nu-
we lere zu Zürich geprediget / ouch sunst allent halben
in vnser eidt gnoschafft / mit sinen geschriffen vnd ge-
druckten Biechlein gepflanzet vnd vßgegossen hat Da-
rum wir vnser lieb eidtgnossen von Zürich vor zu tagē
vnd ietz vff dissem tag / zum aller höchsten / vnd treff-
lichsten vō wegē vnserer herren vnd obren / angesücht
vnd gebetten / das sy meister Ulrich Zwingly / vnd an-
der ire predicanten vnd glörlchen lüt / in irer stat gerichte
vnd gepiet / vff solch disputacion zu kommen vermögē
vermögē / vnd zu haltē Auch ir treffenliche Botschafft
dor zu verordnen vnd schicken wellent . Die wil doch
sy allweg zu sil tagen / in iren gschriffen / ouch zu silen
malen durch ire Botschafften sich erbotten wer sy eines
Besseren vß der heiligen gesch tiffte berichten vnd vnder-
wissen künde / wellent sy sich gern wissen lassen . Vnd sit-
ten mal aber der Zwingly solche nuweler / nit allein in
Zürich piet / sunder ouch seine über flüssiges schreiben
vnd gedruckten Biechlein / allenthalb in vnser eidt gno-
schafft vß gossen hat / des halb wir achtend / das vnser
eidtgnossē vō Zürich / in ansehūg aller billicheit ouch
nach irem erbieten / solchs nit abschlagen . Sunder ir
predicaten vnd gelerten / ouch vff solch gemeine dispu-
tatz zu kummen vermögen werden . Da mit ob durche
gots gnad vnd hilff erfunden / das wir zu rechtem ver-
standt gewissen zu fridē / rüwen / vnd einigkeir vnser
glaubens widerum kummen möchten . Das aber mey-
ster Ulrich Zwingly / noch ander predicanten vnd ge-
lert lüt siner parthey / sich nit klagen mögen noch sollēt
das in der platz zu Baden / nit gemein noch gelegē vnd
das sy nit sicher sient . So hädte wir obgenanten sädē
Botten / all gemeinlich vnd ieder besunder / von vnserē

herren vnd obren in Befelch / vnd des vollen gewalt / in
den Zwingly vnd sine mit hafften / vff das aller höchst
vnd aller sichericht zü vergeleiten / vnd zü versichere
gon Baden / vff solche disputatz / vnd wider an sine ge
war same zü kumen. Hierumb vs beuelch vnserer her
ren vnd oberen / so gebent vnd schribent wir gemeltem
meister Ulrich Zwingli / ouch andren sinen mithaffte
vnd gelerten leute so syner parthey sint vnde allen denē
so sy vngesforlicher weiß mit in bringet / für ir leib vnd
güt / vff solche collatione / oder disputation / gon Badē
in ergow / vnd nach vollendung / solcher disputatione
vnangesehen welche in dissem sal / vnd differ disputatio
oben oder vnden ligent recht oder vnrecht habent alde
wer besiget werde / von Baden widerum an ir gewar
same sicher zü kumen / vnde frey sicher geleit zü / in der
höchsten / krefftigsten / vnde festen formē / so wir thün
sollent / kinnen vnd mögen / in nammenn vnd für vn
sere herren vnd obren / ouch alle die so vnseren herren
vnd obren zü versprechen stont / vnd inen verwandt sint
in krafft differ brieffs / doch mit dem anhang / das sich
iederman geleitlich halten sol. Vnd ob aber vnser eidt
gnossen von Zürich / oder meister vlrich zwingly oder
andre sein mithaffte vermeintē mit solchem geleit vnde
geleidts brieff nit gnügsam versichret sein / vnd etwas
mangel hierin hettent / in was gestalt vnd woran das
were hierumb das selbig ouch zü erstattē / vnd alle sich
erung zü thün / so zü dem besten vnd höchsten geleit ge
höret / vnd noturfftig ist. So wellent wir inen solch ge
leit wie dan züm aller sichericht / vnd bester form gestelt
werden mag / hie mit ouch gegeben haben in krafft dis
brieffs / wir wellent ouch in der stat / vnd Graffschafft
Baden der maß für sehüg thün / an leib vnd an güt ver

bieten / vnd der maß versorgē vnd handeln / das vnge- 19
zwifflet. m. Ulrich zwingly ouch sein mithafften vnd
allen denen so vff vnser vergeitung kummen / solch vn-
ser geleit / truwlich / erberlich / vnd frumlich gehalten
vnd da by geschützt vnd geschürmt werde sollent. Vnd
zu volkümener versicherung so habent wir vns vff dis-
tag / gegen vnseren lieben eidtgnossen von Zürich saor
botten des erbotten / vnd erbiētē vns des noch in krafft
disses brieffs / ob. m. Ulrich zwingly vnd sine mithaff-
ten solchem vnserem geleit nit verttuweren. So fer sy
dan begerent / so wellent wir vnseren landt vogt zu Ba-
den sampt xx oder drissig frömer redlicher man gen Zü-
rich schickē / die in harab gen Baden vergeiten vnde
verhieten / des gleichē zu Baden / vnd noch vollendung
aller handlung / widerum gon Zürich an ire gewarsa-
me fieren vnd verhieten sollent. Damit das geleit tru-
welich an im gehalten werden sol. Dor zu habent wir
mit vnseren liebē eidtgnossen von Zürich botten geredet
das sy zu vns sitzen vnd radtschlag helffen thün / ob an
solchem geleit nit genügsam were / wie vnd in was ge-
stalt mā doch solich geleit versehen vnd machen möchte
damit der Zwingly sich verniegen lies. Solchs vnser
über flüssigē erbiēten / wellent wir vns hie mit in krafft
dis brieffs Bezüget haben. Wir lassen ouch die vermein-
ten vrsachen / so vnser eidtgnossen von Zürich botten
in halt ir instructio vns für gehalten / dorum der zwin-
gly nit gon Baden kummen wil / in irem wert stan / ann
vnserer herren vnd obren langen zu lassen / wie wol wir
achten / das solch ir vrsachen gar weder stat noch füge
angesehen / vnserer herrē vnd obren / ouch vnser über
flüssigs erbiēten. Sunders nach da für achten vnd ha-
ben wellent. Vnser eidtgnossen von Zürich / ouch. m.

Ulrich zwingly vnd ander sine mit haften werdent an
solchem geleit / vnd übet flüssigem erbiere ver güt habē
vnd solch disputation vngesücht nit lassen. Des zu wa
rer offner vtünder

E. Es hat Ulrich Zwingly / aber ein schelmen diech
lein mit lügen lassen vß gon / wie doctor Faber sich vn
der neme / das nure testament zu verbrennen / ist alles
erstüncken / vnd erlogen. Aber er würbt das man das
nure testament verbrenne / das der Luther fierzeihen
hundert mal gefelschet hat

E. Ulrich Zwinglyn hat mich ouch verklaget mit der
vnworheit / vor den rñ örteren einer loblichen eidtigno
schaft / dem wil ich vff den nechsten tag in einem besun
deren diechlein antworten vnd des schatz nit vergeßē
den er vermeinet zu funden zu haben der klöster vnd kir
chen. Verbüt man im zu stelen / er find sein lebtag kein
schatz nimmermer. Ich wil im den schatz süßerlich hel
ffen vß legen vnd graben

E. Doctor Capito / vnd wölfflein köpfflein seindt er
er / vnd der selbigen ganzen kēßler zumfft legation gon
wettingen an das far gesant / von dem directischen kēz
ser / dem bischoffe von Straßburg / wie er sil stel burwe
vnd etlich tusent seck habre kouffe / et de impanato chri
sto / vnd wie er als sil lustes habe in des schmid hense
hus / ouch wie der tag zu spyr wider vns euāgelischen
sey vnde der gleichenn sil schmutz vnd geschmeiß / will
Doctor Murnarri / von Straßburg / der die zwola
tinschen schlus reden / in wölff v köpfflin schelmen die
chlein gesetzt / ein ganz büch vff den nechsten tag drus
machē vff das die löblich legatio / in die eidtignoschaft

gesedet / mit erē wider heym kumme. Ich Bit vch ouch²⁰
laßt mich wissen ob martin von gamsen vor ziten mins
ordens sey gehenckt worden / es wer mir trurwlich leide-
den er ist fast vrsach drā gewesen / das wir euangelisch
sint worden

Beschluß

C. Ich Bit alle welt / vmb gots willen mir der vnzühti-
gen wort / die ich mit dem kirchē dieb gebrucht hab / zu
verzihe / ich weiß wol das sy mir übel anston / Schwi-
gent wir aber stil / so fart der bößwicht furt mit seinen
liigenen / vnd glaubt im das der vnuerstendig ley. Re-
dent wir zühtig / so erschüßt es nüt / redent wir wie mā
mit schelmen redē sol / so geschicht vns wie dem der mit
dem dreck kēpfen solt vnd sprach. Ich gewin oder ver-
lure so wurd ich doch beschiffen

perpetuum in hunc mundum
in hunc mundum in hunc mundum
in hunc mundum in hunc mundum
in hunc mundum in hunc mundum
in hunc mundum in hunc mundum

Index


1. De laudibus
2. De laudibus
3. De laudibus
4. De laudibus
5. De laudibus
6. De laudibus
7. De laudibus
8. De laudibus
9. De laudibus
10. De laudibus


non tunc

si quis

pro

quod







FABRI
CHRISTLICH
ERWEISUNG

526

Re
198